

22.05.2023 11:12



Հարգելի՛ ընթերցող,

Ձեր ուշադրությանն ենք ներկայացնում մեր նոր բլից հարցազրույցը փաստաբան Ռուբեն Հակոբյանի մասնակցությամբ.

**1. Հավագույն առավոտը**

Բիբլիական Արարատ լեռան գագաթին

**2. Այսօրվա իմաստությամբ ու կյանքի փորձով ի՞նչ խորհուրդ կտայիք 20 տարեկան Ռուբեն Հակոբյանին**

Ներկան և հարազատների ներկայությունը վայելել ավելի շատ

**3. Եթե Ձեր մասին պատմող ֆիլմ լիներ ինչպե՞ս կկոչվեր այն**

Կարծում եմ սերիալ չէր լինի, նաև կատակերգության, մարտաֆիլմի կամ սարսափի ժանր չէր լինի, վերնագիրը՝ ճշմարտության որոնումները

**4. Կինն ու գինին**

Հաճելին և օգտակարը չափի մեջ չեն կարող հաղթել հերոսին

**5. Օրինակելի լինելն ու օրինակ վերցնելը**

Փոխկապակցված երևույթներ են: Պետք է ձգտես օրինակ ծառայել շատերին, իհարկե՝ դրական առումով և չխուսափես օրինակ վերցնել օրինակելիներից

**6. Ի՞նչ չեք ուտի երբեք, որքան էլ քաղցած լինեք**

**7. Ի՞նչ եք անում, երբ սովածությունն եք զգում կեսգիշերին**

Սովորութային նորմերի ոչ էական խախտումներ են թույլ տալիս

**8. «Գյուղացի Համբոյի տանը կռիվ է ընկել: Համբոն իր անչափահաս որդուն՝ Գիքորին, քաղաք է տանում՝ Բազազ Արտեմի համար ծառա: Մայրը չէր ուզում, որ հայրը որդուն տանի այդ անիրավ աշխարհ» քրեական օրենսգրքով նախատեսված հանցակազմ պարունակող քանի՞ տարր կա հիշյալ տողերում**

Հանդես գամ որպես մեղադրող.

« Համբոն Գիքորին շահագործման նպատակով տեղափոխել և փոխանցել է Բազազ Արտեմին, որը Գիքորին շահագործել է, այսինքն՝ առկա է երեխայի թրաֆիքինգ և շահագործում: Բացի այդ, Համբոն փաստացի հրաժարվել է երեխայի դաստիարակության և խնամքի պարտականությունը կատարելուց: Բացի այդ, Համբոն երեխային ապօրինի բաժանել է մորից: Կարծեմ, երեք առանձին հանցակազմեր թվարկեցի»:

Հիմա խոսեմ որպես պաշտպան.

« Տանը կռիվ ընկնելու հանգամանքները կոնկրետացված և սպառիչ չեք նկարագրել, հետևաբար, ընտանեկան բռնության հատկանիշների մասին խոսք չկա: Ինչ հանցակազմ էլ, որ առկա լինի, վաղեմության ժամկետն արդեն անցել է»: (Ծիծաղում է)

**9. Ո՞րն է Ձեր ամենասիրելի վայրը երևանում**

Ցանկացած այն վայրը, որտեղ գտնվում եմ ինձ հոգեհարազատ մարդկանցով: Սիրելի վայրերը բազմաթիվ են, իսկ նման մարդիկ գնալով սակավանում են

**10. Փոշմանում եք արածների՞, թե՞ չարածների համար**

Կան արարքներ, որոնք կատարելու համար փոշմանել են, ու հակառակը՝ կան բաներ, որոնք չեն արել ու փոշմանել են

### **11. Ինչպիսի՞ն պիտի լինի և չլինի փաստաբանը**

Չեն առանձնացնի կոնկրետ փաստաբանին, այլ ընդհանուր կասեն. այս կամ այն մասնագիտությունն ընտրած մարդը նախ պետք է ունենա տվյալ ոլորտի անհրաժեշտից ավել գիտելիքներ, պետք է լինի ընտրած գործի նվիրյալը, լինի ազնիվ, սկզբունքային, պարտաճանաչ, աշխատասեր, համառ և համարձակ: Նշվածներից ցանկացած հատկանիշի բացակայությունն անխուսափելիորեն հանգեցնելու է անհաջողության կամ պարտության նաև փաստաբանի դեպքում

### **12. Փաստաբանի լավագույն գովազդը**

Կատարած բարեխիղճ աշխատանքի գնահատումը վստահորդների կողմից: Նրանք այդ մասին, բնականաբար, արտահայտվում են, ինչն էլ Հայաստանում շատ արագ տարածվում է: Շեշտում են՝ ոչ թե արդյունքի գնահատումը, որը հաճախ պայմանավորված չէ փաստաբանի լավ կամ վատ աշխատանքով, այլ հենց բարեխիղճ աշխատանքի գնահատումը: Իսկ վստահորդների բացասական կարծիքներն էլ ամենամեծ հակազովազդն են

### **13. Դատական նիստից հետո հոգնածությունը թոթափելու լավագույն միջոցը**

Ըստ հոգնածության աստիճանի և թոթափվելուն հատկացված ժամանակահատվածի, տարբեր են լինում: Ընտանեկան կամ ընկերական միջավայր, բնություն, սպորտ և այլն

### **14. Եթե Ձեզ էլ մի օր փաստաբան պետք լինի, ու՞մ կդիմեք**

Այն փաստաբան ընկերներին, որոնք նման իրավիճակներում իրենց շահերի պաշտպանությունը կվստահեին ինձ

### **15. Ընտանեկան հնարավոր վեճերում փորձել եք գոնե մտքում ստանձնել Ձեր կնոջ**

**պաշտպանությունը՝ ընդհուպ արդարացման  
պահանջով**

Ընտանեկան դատարանում, երբ որ ամբաստանվում  
եմ, որպես կանոն, առաջադրված մեղադրանքը չեմ  
ընդունում: Իսկ մյուս դեպքերում  
հակափաստարկները, իհարկե, մտքում ընդունում եմ,  
որոնք նաև արդարացնող են

**16. Կարգապահական պատասխանատվությունից եք  
վախենում, թե՞ վերելակում փակված մնալուց**

Իմ մասով կարգապահական գործընթացի դեռ,  
բարեբախտաբար, չեմ մասնակցել, հետևաբար, ինչ  
հույզեր կունենամ՝ չգիտեմ, իսկ վերելակները  
փորձում եմ շրջանցել: Հետևությունները թողնում եմ  
Ձեզ

**17. Երջանկության Ձեր բանաձևը**

Երջանկության հստակ բանաձևը մինչ օրս որևէ  
փիլիսոփա չի սահմանել: Իմ կարծիքով,  
երջանկությունը մարդու այն վիճակն է, երբ նա հասել  
է ներքին գերագույն բավարարվածության և  
հանգստության իր և հարազատ մարդկանց ապրելու,  
արարելու պայմաններով: Իսկ հայ մարդու համար  
պարտադիր է, որ այդ պայմաններում ապրի հզոր,  
անկախ և անվտանգ հայրենիքում

**18. Սովորություն, որից փորձում եք ձերբազատվել**

Բավականին բծախնդիր եմ իմ հանդեպ, ինչը  
թե՛ առօրյայում, թե՛ աշխատանքում ինձ խանգարում  
է: Սովորությունից ձերբազատվելու ուղղությամբ  
աշխատում եմ, արդյունքները դեռևս գոհացուցիչ չեն

**19. Ընտրեցիք իրավաբանի մասնագիտությունը  
հենց փաստաբան լինելու համար, թե՞**

Ես ծնվել եմ խորհրդային միության  
ժամանակաշրջանում, որի գեղարվեստական  
ֆիլմերում քննիչների կերպարը միշտ ներկայացվել է  
բացառապես դրական կողմերով, փաստաբանների  
մասին ֆիլմեր, կարծես թե չկար: Այդ ֆիլմերի  
ազդեցությամբ որոշել եմ դառնալ իրավաբան, 9  
տարի քննիչ եմ աշխատել: Այնուհետև, որոշակի  
օբյեկտիվ և սուբյեկտիվ պատճառներից ելնելով, գտել

եմ, որ եկել է ոչ թե մեղադրելու, այլ պաշտպանելու,  
փաստաբան լինելու ժամանակը

**20. Մեր բլից հարցերին պատասխանելու համար  
ու՞մ եք նետում մարտահրավերը**

Ով առաջինը կամովին այն կընդունի

Լուսանկարը տրամադրեց Ռուբեն Հակոբյանը



```
Վերադառնալ $(window).load(function(){ if(typeof $(".fb_comments_count").html() != "undefined" &&  
parseInt($(".fb_comments_count").html()) != 0){ updateCommentsCount(window.location.href); } })
```